

ՏԵՂԵԿԱՏՈՒ

DEGHEGADOU

ديجيجادو

ՀԱՅԱՍՏԱՆԻ ՊԱՏԻՊԵՆԻ ՀԱՅԿԱՐԻ

نشره جمعية القادسية للدراسه العلميه العامة

¶ Æ ð ° ð à ô ¶ Æ ô î
1600 - ² Ø ° ² î



° Ô ° è Ü
90 - ² Ø ° ² î



ԲՈՎԱՆԴԱԿՈՒԹԻՒՆ

	Որպեսզի Դարերու Խորքէն Հասնինք Դարերուն 1
ԽՍԲԱԳԻՐ Արաքսի Տեղեւորներ	Հայաստանի Հանրապետութեան Արտաքին Գործերու Նախարար Վարդան Օսկանեանի Այցը Ե ի պտոս 2
	Հո եհան իստ Ե ի պտահայ Թեմի Հո ելոյս Առաջնորդ Տ. Զաւէն Արք. Չինչինեանի Ա. Տարելիցին Առթիւ 3
ԳԵՂԱՐՈՒԹԵՍԱԿԱՆ ՁԵԼԱԴՈՐՈՒՄ ՇԱՀԷ ԼՈՒՍԱՐԱՐԵԱՆ	Ե ի պտոսի Մօտ ՀՀ Արտակար - եւ Լիազօր Դեսպան Տոքթ. Ռուբէն Կարապետեան 4
	Զուղայի Հայկական Գերեզմանը Բնաջնջուած 5
ՀԱՍՏԱԿԱՐԳԶԱՅԻՆ ՇԱՐՈՒԲԸ Անի Պօղոսեան	ՀԲԸՄ-ի Մեծ Ընտանիքի Անդամ Ռդբ. Մանուկ Գալփաքճեանի Անթառամ Յիշատակին 7 Նազարէթ Գարթալեան
	Մտորումներ ՀԲԸՄիութեան Կրթական Գործունէութեան մասին 8
ՏՊԱԳՐՈՒԹԻՒՆ Nubar Printing House	Գահիրէի ՀԲԸՄ-ի «Սաթենիկ Ը. Չա ղր Հիմնադրամ»-ը կը պար եւատրէ Ե ի պտահայ Գերազանցիկ Շրջանաւարտները Գահիրէ 10 Աղեքսանդրիա 12
	ՀԲԸՄ Գահիրէ «Սաթենիկ Ը. Չա ղր Հիմնադրամ» Կարիքաւոր Համալսարանական Ուսանողներուն Տարեկան Նուիրատուութիւնը 12
	ՀԲԸՄ-ի Նորակազմ Մանուկներու Եր - չախումբին Անդրանիկ Ելոյթը 14 Անի Պօղոսեան
	ՀՄԸՄ ՆՈՒՊԱՐԻ կեանքէն 15
	Մեր Գաղութէն ներս 16
	Լուրեր ՀԲԸՄ-ի Զանազան Մասնաճիւղերէն 19
	Լուրեր Հայաստանէն 20
	Անդամական



ՈՐՊԵՍՁԻ ԴԱՐԵՐՈՒ ԽՈՐՔԵՆ ՀԱՍՆԻՆՔ ԴԱՐԵՐՈՒՆ

Հայ ժողովուրդը 2005 տարուան ընթացքին կը պատրաստուի յիշատակելու պատմական շրջադարձային երկու ճակատագրական իրադարձութիւններ:

Այս իրադարձութիւններէն առաջինը 1600 տարի առաջ, Սուրբ Մեսրոպ Մաշտոցի տարիներու տքնաջան պրպտումներուն եւ ուսումնասիրութիւններուն որպէս արդիւնք, աստուածային հրաշք – տեսիլքով 405 թուականին արարումն էր «Հայկական Աթուրբէն»-ին:

Երկրորդը՝ 1915-ին սկսած հայ ժողովուրդի բնաջնջման Օսմանեան Պետութեան սատանայական եւ ճիւղային ծրագրին իրագործումն էր, ի կատար ածուած Թալէթներու եւ Էնվերներու հրամանով, գազանացած թուրքերու, քիւրտերու եւ ենիջերիսներու կողմէ:

Առաջին իրադարձութիւնը եղաւ մեր լինելիութեան գրաւականը, երկրորդը՝ մահ ու աւեր սփռեց ամբողջ Արեւմտահայաստանի տարածքին:

1600 տարի Ս. Մեսրոպ Մաշտոցի վառած 36 ճրագները իմացութեան լոյսով լուսաւորեցին մեր ժողովուրդը, զարգացուցին մեր մշակոյթը, մատուցեցին մեր եւ այլոց պատմութիւնն ու դիւցազներգութիւնը, վարքն ու բարքը, գիտութիւնն ու արուեստը եւ մանաւանդ մատչելի դարձուցին մեզի Աստուծոյ խօսքը:

1600 տարի շարունակ գրականութիւն, մատեան, հաւատք ու սրբութիւն դարձած մեր գիրքերով, դիմադրեցինք ամեն տեսակի խժժութիւններու, արհաւիրքի ու նոյնիսկ ցեղասպանութեան:

Այսօր, գիրքերու գիւտէն 1600 տարի եւ 1915-ի եղեռնէն 90 տարի անց, երբ կը պատրաստուինք յիշատակելու այս զոյգ իրադարձութիւնները, ակամայ կը խորհրդածենք, թէ մենք՝ ներկայ սերունդս, արդե՞՞ք իսկապէս դիմադրեցինք ցեղասպանութեան: Այժմ աշխարհի վրայ սփռուած 8 միլիոն հաշուող մեր ժողովուրդին քանի՞ տոկոսը արդե՞ք գինուած է մեր ինքնութիւնը եւ էութիւնը ուրիշ ժողովուրդներէ գատորոշող մայրենի խօսքով ու գիրով:

Ջարդերէն մազապուրծ պրծած, ինչքի եւ ուտելիքի փոխարէն մատեան շալկած ու պահած, անպատի աւագին վրայ իրենց մանուկներուն ԱԲԳ սորվեցուցած մեր մայրերուն փոխարէն այսօր քանի՞ մայրեր ունինք որոնք կը պայքարին, որ գէթ տան մէջ իրենք ու իրենց զաւակները մաքուր հայերէն խօսին ... օ՛հ ներողութիւն ... արաբախառն, ֆրանսախառն, անգլիախառն, ռուսախառն եւ դեռ քանի՞ ժողովուրդներու լեզուով խառնուած հայերէն խօսին:

Քիչ թէ շատ բոլոր հայերս հպարտ ենք որ հայ ենք, հպարտ ենք, որ հակառակ մեր համեմատաբար փոքր թիւին, աշխարհին տուած ենք մեծութիւններ: Կը պարծենանք մեր աշխատասիրութեամբ ու ձեռներեցութեամբ, կեանքի ասպարեզին մէջ բարոյական ու նիւթական ձեռքբերումներով, սակայն ամեն օր կը դաւաճանենք մեր իսկ էութեան, մեր արմատներուն, մեր մայրերուն եւ հայրերուն յիշատակին, մեր լեզուին ու կ'արդարանանք թէ «հայերէն չենք գիտեր, սակայն մեր ոգին հայկական է»:

Կը բաւէ՛ յոխորտանք ու պարծենանք: Պա՛հն է որ ամփոփուինք, արթնանք մեր թմբիրէն: Պա՛հն է որ գտնենք հնարը որպէս հա՛յ ժողովուրդ գոյատեւելու: Առանց հայերէն լեզուի իմացութեան չկայ հա՛յ ժողովուրդ, կայ եւ պիտի ըլլայ ինքնախաբէութեամբ, առանց ինքնութեան ապրող, իր արմատներուն եւ Ս. Մեսրոպին, հայրենիքին, հաւատքին եւ մայրենիին, նահատակուած իր ժողովուրդին դաւաճանող զանգուած, ԴԱՏԱՊԱՐՏՈՒՄԸ ՄԱՅՆԱԳԼՈՒ:

Գիրքերու գիւտին 1600-ամեակին եւ Եղեռնի 90-ամեակին նուիրուած ոգեկոչման այս տարին թող չդառնայ լոկ յիշատակի հանդիսութիւններու, գիտաժողովներու, հայ դատի հետապնդման, դասախօսութիւններու, եղեռնի յուշակոթողներու առջեւ ծաղիկ զետեղելու, հոգեհանգստեան աղօթք բարձրացնելու եւ մոմ վառելու տարի:

Թող 2005 տարին ըլլայ նաեւ ուխտի տարի:

Ուխտենք ազգովին, տարեց, երիտասարդ թէ պատանի, իւրաքանչիւր օր սորվիլ գրել ու կարդալ հայերէն մէ՛կ տառ, հայերէն մէ՛կ բառ եւ արտասանել մէ՛կ հայերէն նախադասութիւն:

Եւ հաւատա՛նք, որ Մեծ Եղեռնի 100-ամեակին, հայախօս դարձած

Հայոց աշխարհի փափկասուն տիկնայք
Աւանդակորոյս իրենց վարքի դէմ
Վերստին պիտի աչքերը բանան:
Հայոց աշխարհի այրերից նրանք,
Ովքեր յուլաբար ճամբայ են ընկել
Ու դեռ ծուլաբար դեգերում են լուռ՝
Օտար հովերի ապտակին իլու,
Պիտի դառնօրէն դարձի գան դարձեալ՝
Խորհէ՛ն հայերէն,
Ապրէ՛ն հայօրէն ...

Որպէսզի դարերու խորքէն հասած ժողովուրդը մեր հասկի՞ դարերուն, ազատ, ինքնուրոյն, միասնական ու բազմացած:

Ա. Տեովլեթեան



ՀԱՅԱՍՏԱՆԻ ՀԱՆՐԱՊԵՏՈՒԹԵԱՆ ԱՐՏԱՔԻՆ ԳՈՐԾԵՐՈՒ ՆԱԽԱՐԱՐ ՎԱՐԴԱՆ ՕՍԿԱՆԵԱՆԻ ԱՅՑԸ ԵԳԻՊՏՈՍ



ՀՀ ԱԳ Նախարար Վարդան Օսկանեան եւ Արաբական Լիկայի գլխավոր քարտուղար Ամր Մուսայի յուշագիրը կ'ստորագրեն:

ՀՀ ԱԳ Նախարար Վարդան Օսկանեանի եւ Արաբական Լիկայի գլխավոր քարտուղար Ամր Մուսայի միջեւ 19 Յունուար 2005-ին, Գահիրեի մէջ հանդիպում մը տեղի ունեցաւ, որուն ընթացքին անոնք միջազգային եւ տարածաշրջանային կարգ մը հարցերու մասին կարծիքներու փոխանակում ունեցան:

Յետ կողմերը հետաքրքրող հարցերու քննարկման, անոնք փոխըմբռնման յուշագիր մը ստորագրեցին, որուն մէջ Նախատեսուած է կողմերուն միջեւ զարգացնել քաղաքական երկխօսութիւն եւ միջազգային կազմակերպութիւններու մէջ համագործակցութիւն:

Համաձայն յուշագրին, անկախ քաղաքական ոլորտէն, համագործակցութեան զարգացում կը Նախատեսուի Նաեւ մշակութային, գիտական եւ այլ բնագաւառներէ ներս:

Նախարար Օսկանեան հանդիպում մը ունեցաւ Նաեւ Եգիպտոսի Արտաքին Գործերու Նախարար Ապուլ Ղեյթի ու Միջազգային Համագործակցութեան Նախարար, Հայ-Եգիպտական Միջկառավարական Յանձնաժողովի Նախագահ Ֆայիզա Ապուլ Նակայի հետ:

Նախարար Օսկանեան այս առթիւ Եգիպտոսի Արտաքին Գործերու Նախարարին փոխանցեց ՀՀ Նախագահ Ռոպերթ Զոհարեանի ուղերձը ուղղուած Եգիպտոսի Նախագահ Հոսնի Մուպարաքի:

18 Յունուարին երկօրեայ այցելութեամբ Գահիրէ այցելած Նախարար Օսկանեան եւ իր գլխավորած պատուիրակութիւնը հանդիպում մը ունեցան ՀՀ դեսպանատան «Բարեկամներու Խորհուրդ»-ին եւ «Մարի-Նուպար Յանձնախումբ»ի անդամներուն հետ:

Ընթրիքի սեղանին շուրջ ծաւալած գրոյցին ընթացքին Նախարարը ներկաները հետաքրքրող հարցերուն պատասխանեց եւ Յուշագիրին ստորագրումը գնահատեց, որպէս պատմական իրադարձութիւն:

«Տ.»



Նախարար Օսկանեան Եգիպտոսի Արտաքին Գործերու Նախարար Ապուլ Ղեյթի հետ հանդիպման պահուն:



Նախարար Օսկանեան Հայ-Եգիպտական Միջկառավարական Յանձնաժողովի Նախագահ Ֆայիզա Ապուլ Նակայի հետ խօսակցութեան պահուն:



ՀՈԳԵՅԱՆԳԻՍՏ ԵԳԻՊՏԱՅԱՅ ԹԵՄԻ ՀՈԳԵԼՈՅՍ ԱՌԱՋՆՈՐԴ Տ. ՉԱԼԵՆ Ս. ԱՐՔ. ՉԻՆՉԻՆԵԱՆԻ ՄԱՅՈՒԱՆ Ա. ՏԱՐԵԼԻՑԻՆ ԱՌԹԻ

2004-ի Յունուարին Եգիպտահայ գաղութը դժբախտութիւնը ունեցաւ կորսնցնելու իր երկարամեայ հովին ու առաջնորդը:

Արդէն տարի մըն է հոգելոյս Տ. Չալեն Ս. Արք. Չինչինեան յաւիտենական նինջի մէջ է:

Անոր անշունչ մարմինը 2004-ի Յունուար 25-ին ամփոփուեցաւ Զելիոպոլսոյ Ամենայն Սրբոց գերեզմանատան մատուռին քով, Եգիպտահայոց Նախկին առաջնորդ հոգելոյս Տ. Մամբրէ Ս. Արք. Սիրունեանի շիրիմին մօտ:

Կիրակի 30 Յունուար 2005-ին, Գահիրէի Ազգային Իշխանութեան տնօրինութեամբ, Ս. Գրիգոր Լուսաւորիչ Եկեղեցիին մէջ, Ս. Պատարագի աւարտին հոգելոյս Սրբազանին մահուան առաջին տարելիցին առթիւ տեղի ունեցաւ հոգեհանգստեան պաշտօն:

Պատարագեց Տ. Չենոն Խաչակիր քնյ. Բարսեղեան, մասնակցութեամբ Եկեղեցւոյ դպրաց դասին ու երգչախումբին, խմբավարութեամբ Միհրան Ղազէլեանի: Կը նուագակցէր՝ Իրինա Աբգարեան:

ՀՀ Դեսպանին ներկայացուցիչ տիար Սիեր Մկրտումեանի, Գահիրէի ու Աղեքսանդրիոյ Թեմական Ժողովներու ատենապետներուն եւ միութիւններու ներկայացուցիչներուն կողքին, իրենց երկարամեայ հովին յիշատակը յարգող ներկայ հաւատացեալները երկիւղածութեամբ հետեւեցան Ս. Պատարագին եւ հոգեհանգստեան պաշտօնին:

Օրուան յատուկ իր իմաստալից քարոզին մէջ, Եգիպտահայոց թեմի Առաջնորդական Տեղապահ Հայր Աշոտ վրդ. Մնացականեան անդրադառնալէ ետք հանգուցեալ Սրբազան Հօր Հայ Առաքելական Եկեղեցիին եւ Եգիպտահայ Թեմին մէջ ունեցած 45 տարիներու նուիրեալ ծառայութեան ըսաւ, թէ իւրաքանչիւր անհատ ունի իր փոքր կամ

մեծ պատասխանատուութիւնը հանդէպ իր անձին, ընտանիքին, շրջապատին, ժողովուրդին եւ հայրենիքին եւ իր ունեցած այդ պատասխանատուութեան գիտակցութեամբ իր տարած գործը ու իր շրջապատին բերած նպաստն են, որ զինք կը դարձնեն յիշատակուելու արժանի անհատ:

Եկեղեցւոյ մէջ տեղի ունեցած արարողութենէն ետք, Զելիոպոլսոյ Ամենայն Սրբոց Գերեզմանատան մէջ, հոգելոյս Սրբազանին նորակառոյց դամբարանին շուրջ հաւաքուած ժողովուրդը հետեւեցաւ գերեզմանի օրհնութեան արարողութեան:

Արարողութենէն ետք ելոյթ ունեցաւ Զաղաքական Ժողովի ատենապետ տիար Պերճ Թերզեան:

Տիար Թերզեան ակնյայտօրէն յուզուած, պատումը ըրաւ հանգուցեալ Սրբազան Հօր տուած իր այն այցելութեան, որուն ընթացքին հոգելոյսին արտայայտած խօսքերը պիտի ըլլային հանգուցեալին վերջին խօսքերը: Շնորհակալութեան եւ օրհնութեան խօսքեր՝ ուղուած գաղութին եւ Ազգային Իշխանութեան իրեն հանդէպ ցուցաբերուած խնամքին եւ հոգատարութեան համար:

Իր ելոյթին աւարտին տիար Թերզեան ազգային իշխանութեան կողմէ շնորհակալութիւն յայտնեց ճարտարապետուհի տիկին Սաթենիկ Աբգարեանին հոգելոյս Սրբազան Հօր նորակերտ դամբարանին կառուցման աշխատանքները բժախնդրօրէն իրականացնելուն համար:

«Տ.»



ԵԳԻՊՏՈՍԻ ՄՕՏ ՀՀ ԱՐՏԱԿԱՐԳ ԵՒ ԼԻԱԶՕՐ ԴԵՍՊԱՆ ՏՈՔԹ. ՌՈՒՔԵՆ ԿԱՐԱՊԵՏԵԱՆ



Հայաստանի անկախացումեն ետք Եգիպտոս եղաւ առաջին երկիրներէն մէկը որ դիւանագիտական յարաբերութիւններ մշակեց Հայաստանի հետ դեսպանական մակարդակի վրայ:

Հայաստանի Հանրապետութիւնը յանձին տողթ. Ռուբէն Կարապետեանի ունեցաւ իր երրորդ դեսպանը Եգիպտոսի մօտ:

Արտակարգ եւ Լիազօր Դեսպանը Գահիրէ ժամանեց 2004-ի Նոյեմբերի 4-ին, իր տիկնոջ՝ Մարիամի եւ դստեր հետ:

Իր գործը ստանձնելէն անմիջապէս ետք, տիար Դեսպանը Գահիրէի մէջ գործող զանազան միութիւններուն ծանօթանալու մտադրութեամբ այցելութիւններ տուաւ անոնց, որոնց կարգին նաեւ Երեքշաբթի 30 Նոյեմբերին ՀԱՄԼ ՆՈՒՊԱՐԻ մարզարան, ուր հանդիպեցաւ կարգ մը պատասխանատուներու հետ:

Ստերմիկ գրոյցի ընթացքին արծարծուեցան երիտասարդութեան վերաբերեալ հարցեր, ինչպէս նաեւ Եգիպտահայ երիտասարդներու Հայաստանի մէջ համալսարանական ուսում ստանալու կարելիութիւնները:

ՀԲԸՄ-ի Եգիպտոսի Շրջանակային Յանձնաժողովի, Գահիրէի ՀԲԸՄիութեան եւ ՀԱՄԼ ՆՈՒՊԱՐԻ վարչական անդամներ, 8 Դեկտեմբեր 2004-ին, այցելեցին ՀՀ Դեսպանատան բարի գալուստ մաղթելու եւ ծանօթանալու Եգիպտոսի մօտ ՀՀ Արտակարգ եւ Լիազօր Դեսպան տողթ. Ռուբէն Կարապետեանի:

Յետ ծանօթացման, շերմ մթնոլորտի մը մէջ գրոյց ընթացաւ ՀԲԸՄ-ի Հայաստանի եւ Եգիպտոսի մէջ ունեցած գործունեութեան մասին:

Նշենք թէ տողթ. Ռուբէն Կարապետեան 1993 թուականէն սկսեալ կ'աշխատի Հայաստանի Հանրապետութեան Արտաքին Գործոց Նախարարութեան համակարգին մէջ: Ան դիւանագիտական պաշտօններ վարած է Ա Գ Նախարարութեան Եւրոպական երկիրներու վարչութեան, ինչպէս նաեւ Պոլկարիոյ եւ Յուսաստանի ՀՀ Դեսպանութիւններուն մէջ:

1999-2000 թուականներուն տողթ. Կարապետեան ղեկավարած է ՀՀԱԳ Նախարարին աշխատակազմը, իսկ այնուհետեւ՝ մինչեւ 2004 թ. Հոկտեմբեր՝ Ասիոյ, Ովկիանիայի եւ Ափրիկէի վարչութիւնը:

Տողթ. Ռուբէն Կարապետեան ծնած է 1963 թուականին:

1986 թ. գերազանցութեամբ աւարտած է Երեւանի Պետական Համալսարանի արեւելագիտութեան հիմնարկի արաբական բաժինը:

1986-1991 թթ. աշխատած է Երեւանի Պետական Համալսարանին մէջ:

Տողթ. Ռ. Կարապետեան պատմական գիտութիւններու թեկնածու է: Մինչեւ դեսպան նշանակուիլը համատեղութեան կարգով եղած է նաեւ Հայաստանի Գիտութիւններու Ազգային Ակադեմիայի Արեւելագիտութեան Ինստիտուտին հարաւային եւ հարաւ - արեւելեան Ասիայի երկիրներու բաժնի վարիչը, միեւնոյն ժամանակ Երեւանի Պետական Համալսարանի Արեւելագիտութեան ֆակուլտէին մէջ դասաւանդած է արաբական երկիրներու նոր եւ նորագոյն պատմութիւն:

Հեղինակն է Հայաստանի եւ արտասահմանի մէջ հրատարակուած կարգ մը մենագրութիւններու եւ յօդուածներու:

2003 թուականին Երեւանի Պետական Համալսարանի Արեւելագիտութեան ֆակուլտետի Գիտական Խորհուրդին որոշումով հրատարակուած է տողթ. Ռուբէն Կարապետեանի հեղինակած «Արաբական երկիրներու Նոր եւ Նորագոյն Պատմութիւն» գիրքը:

Գիրքը կը պարփակէ արաբական երկիրներու նոր եւ նորագոյն պատմութեան հիմնական իրադարձութիւններն ու զարգացումները:

Ուսումնական այս ձեռնարկին մէջ, կ'ըսէ հեղինակը, ուշադրութիւնը կեդրոնացուած է արաբական երկիրներու անցեալի եւ ներկայի առանցքային խնդիրներուն վրայ եւ կ'ընդգրկէ ժամանակակից արաբագիտութեան մէջ ձեւաւորուած դրոյթները, ինչպէս նաեւ գիտական շրջաններու մէջ քննարկուող արդիական շարք մը թեմաներ:

Հեղինակութեան նպատակն է արաբական երկիրներու պատմական զարգացման ընդհանուր օրինաչափութիւնները ներկայացնել ուսանողներուն, արեւելագետներուն, միջազգայնագետներուն եւ ընթերցողներուն:

Բարի կեցութիւն կը մաղթենք տիար Դեսպանին, եւ արդիւնաւետ գործունեութիւն՝ Եգիպտոսի մօտ իր ստանձնած նոր առաքելութեան մէջ:



ՀՀ Արտակարգ եւ Լիազօր դեսպան տիար Ռուբէն Կարապետեան շրջապատուած ՀԲԸՄ-ի եւ ՀԱՄԼ ՆՈՒՊԱՐԻ պատասխանատուներով:



ՋՈՒՂԱՅԻ ՀԱՅԿԱԿԱՆ ԳԵՐԵՋՄԱՆՈՒ ԲՆԱՋՆՁՈՒԱԾ

«Կանգնել է սա արեւի դէմ Որպէս թախիծ ու խղճի սիւն, Կանգնել է սա դարերի դէմ Որպէս խաչուած գեղեցկութիւն»

Վահագն Դաւթեան

Հայաստանի ամբողջ տարածքին, բացօթեայ թէ հինաւուրց վանքերէն ու եկեղեցիներէն ներս, գերեզմաններուն մէջ եւ աղբիւր-յուշարձաններուն մօտ՝ այնքան շատ ու բազմազան են խաչքարերը: Հայկական ազգային արուեստի այս իւրայատուկ յուշարձանները կը ներկայացնեն շուրջ 1500 տարիներու աւանդոյթը հայ քարգործ վարպետներու, հայ քանդակագործութեան: Իրենց վեհաշուք տեսքով, զարդաքանդակներու ճոխութեամբ ու ներդաշնակութեամբ, գեղագիտական բարձր ու նուրբ ճաշակով, հայկական խաչքարերը կարծէք կ'աննիւթականացնեն քարը, կը ոգեղինացնեն զայն ...: Անոնց մէջ հարազատօրէն կ'արտացոլան հայ ժողովուրդի բարձրորակ ու սրբագեղ արուեստը, ազգային վառ նկարագիրը, քրիստոնէական հաւատքը, հայրենասիրութիւնն ու ստեղծագործ ոգին: Եւ այսպէս հայկական խաչքարերը իրենց արժանի տեղն ունին ոչ միայն հայկական, այլեւ համաշխարհային արուեստի գանձարանին մէջ:

1973-ին՝ Մայր Աթոռ Ս. Էջմիածնի հրատարակած «Հայկական խաչքարեր» գրքին մէջ, կը կարդանք թէ խաչքարերու արուեստի զարգացման վերջին փուլի նմուշներէն են հին Ջուղայի գերեզմանատան խաչքարերը: Հին Ջուղայի գերեզմանոցի 16-18րդ դարուն կերտուած հազարաւոր խաչքարերէ բաղկացած խումբը՝ իր ինքնատիւութեամբ առանձնակի տեղ կը գրաւէ հայկական խաչքարերու արուեստի պատմութեան մէջ: Դեռ 16-րդ դարուն Ջուղան բազմազարդ եւ վաճառաշահ քաղաք էր եւ՝ առեւտրական կապեր ունենալով Արեւմուտքի եւ Արեւելքի հետ, ան կը հանդիսանար հայկական եւ արեւելեան (ուշ-իրանական) մշակոյթներու խաչածեման վայր: Կատարման վարպետութիւնն ու ոճի նրբութիւնը յատուկ են Ջուղայի խաչքարերէն շատերուն եւ առանձին հմայք կը հաղորդեն անոնց:

Ներկայիս, Ջուղան կը գտնուի Նախիջեւանի հարաւը, Արաքս գետի ափին, Պարսկաստանի սահմանագծին: Աղեքսանտրո Րոտես՝ 1648-ին գրած իր ուղեգրութեան մէջ, կը յիշատակէր Ջուղայի գերեզմանատունը՝ նշելով որ այնտեղ կային 10.000 ամբողջովին նախշազարդ խաչքարեր: 1605-ին, երբ Շահ Աբաս բոնի տեղափոխեց հայ ժողովուրդը Ջուղայէն դէպի Պարսկաստան՝ զարկ տալու համար իր երկրին զարգացման, կործանեց քաղաքը որպէսզի անհնարին դարձնէր վերադարձը այնտեղ, սակայն ան

անպիղծ թողուց գերեզմանոցը: 20-րդ դարու սկիզբը՝ դեռ կարելի էր հաշուել 6000 կանգուն թէ կիսականգուն խաչքարեր:

Այս մասին կը պատմէ վերջերս հրատարակուած անգլերէն տեղեկագիրը՝ «Ջուղայի Հայկական Գերեզմանոցը Բնաջնջուած»՝ «Armenian Cemetery of Jugha Annihilated» խորագրեալ, Միջազգային Մշակութային Կազմակերպութեան Հայ Ճարտարապետութեան Հետազօտական Մարմնին կողմէ: Հրատարակութիւն մը՝ որ ստոյգ տուեալներուն հիման վրայ եւ լուսանկարներու լեզուով կոչ կ'ընէ անմիջական միջամտութեան, քանզի Նախիջեւանի մէջ՝ որ այժմ կը գտնուի Ատրպէյճանի իշխանութեան տակ, հայկական պատմական յուշարձանները կը կործանուին սիստեմաթիք կերպով:

Արդարեւ, Հայաստանի խորհրդայնացումէն ետք, Հայաստանի հարաւը գտնուող Նախիջեւանը կը կցուէր Ատրպէյճանին՝ Ստալինի եւ Լենինի կարգադրութեամբ՝ 1922-ին:

Տեղեկագիրը կը նշէ որ Սովետական իշխանութեան օրով՝ Ջուղայի պատմականօրէն եւ մշակութապէս եզակի գերեզմանոցը երբեք պաշտպանուած չէր Ատրպէյճանի Պատմական Յուշարձաններու Պահպանութեան Բաժանմունքին կողմէ:

Ընդհակառակն, 1922-էն ետք՝ բազմաթիւ խաչքարեր անհետ կորսուեցան: 1998-ի Նոյեմբերին, ականատեսներու վկայութեամբ՝ շուրջ 800 խաչքար-տապանաքարեր հիմնայատակ վերցուեցան իրենց տեղերէն եւ կործանուեցան երեք շաքաթ շարունակ: Պատճառ կայ հաւատալու թէ՝ այդ խաչքարերը, եթէ անմիջապէս չքանդուեցան, որպէս շինանիւթ օգտագործուեցան նոր բնակարաններու հիմքերուն, անոնց չքացումը ծածկելու համար, կ'աւելցնէ տեղեկագիրը: Իսկ անոնց փոխադրութիւնը Պետական Երկաթուղիով յստակ ապացոյց է Ատրպէյճանի կառավարութեան կողմէ ծրագրուած գործողութեան: Եունեսքոյի եւ յարակից կազմակերպութեանց բողոքները վերջապէս կասեցուցին այս բարբարոսական գործողութիւնները:

Սակայն, Նոյեմբեր 9, 2003-էն ի վեր մշակութային բարբարոսութիւնը կը շարունակուի:

Բազմաթիւ աշխատաւորներ դարձեալ քար ու



քանդ կ'ընեն անգին նշխարները միջնադարեան Զրիստոնէական մշակոյթին, անտարակոյս՝ կառավարութեան թոյլատուութեամբ: Տեղեկագիրը անխուսափելի զուգահեռ մը կը գծէ Աֆղանիստանի մէջ Թալիպաններու իրագործած Պուտտայական արձաններու ծրագրուած անէրումին եւ այս կրօնական կոթողներու սիստեմաթիք քանդումին միջեւ:

Յատկանշական էր որ Ատրպէյճանը Եունեսքոյի հետ համաձայնագիր կնքած է՝ մշակութային ունեցուածքի եւ աշխարհի բնութեան պահպանման գծով 1993-ին եւ ներկայացուած է Եւրոխորհուրդի Խարիրդարանական համաժողովին մէջ: Հետեւաբար, Ատրպէյճանը յանձնառու է յարգելու այս Հաստատութեան նպատակները եւ հարկ է որ հաշուետու ըլլայ իր այս արարքներուն համար:

Յունուար 9, 2003-ին՝ պատրաստուած այս փաստաթուղթը, որուն լուսանկարները այնքան պերճախօս եւ կատարուած մշակութային եղեռնագործութեան, ներկայացուած է Եունեսքոյին եւ Եւրոխորհուրդին, կոչ ընելով որ վերջ տրուի սոյն բարբարոսութեան, խաչքարերը վերադարձուին հոն ուր կարելի է եւ պարտն ու պատշաճը տնօրինուի ի պահպանութիւն Ջուղայի գերեզմանատան, որ կը նկատուի մէկ մասը համաշխարհային ժառանգութեան:

Սակայն, կը թուի թէ արդէն ուշացած ենք, կը շարունակէ տեղեկագիր-փաստաթուղթը, քանզի


Յունուար 10-ին՝ Թաւրիզի արքեպիսկոպոսը վրդովմունքով կը տեղեկացնէր թէ Ջուղայի 1500-ամեայ գերեզմանոցը ամբողջովին համահարթեցուած էր:

Տեղեկագիր - կոչը կ'եզրակացնէ, որ կը մնայ տեղեակ պահել ազդեցիկ մամլոյ գործակալութիւնները՝ միջազգային մակարդակի վրայ, օրինազանց հռչակել տալու համար Ատրպէյճանը եւ զայն վտարել տալու Եւրոխորհուրդէն եւ Եունեսքոյէն: Որովհետեւ՝ անկարելի է նմանատիպ երկիրները հանդուրժել որպէս անդամ նշեալ հաստատութեանց:

Հրատարակութիւնը գնահատելի աշխատանք մըն է, անտարակոյս, առաջին հերթին՝ զգօն եւ զգաստ պահելու միջազգային հանրութիւնը եւ մասնաւորաբար պատկան հաստատութիւնները՝ մշակութային այն եղեռնագործութեան որ կատարուած է եւ կը կատարուի Ատրպէյճանի տարածքին վրայ գտնուող հայկական անգին յուշարձաններուն:

Աւելին, հրատարակութիւնը, քաղաքական յղուտակ նպատակով, կը միտի ցոյց տալ Եւրոխորհուրդին եւ նման կառոյցներուն եւ հաստատութեանց՝ Ատրպէյճանի իսկական դիմագիծը որ ամբողջովին անյարիր է այդ հաստատութեանց որդեգրած արժեքներու եւ չափանիշներու համակարգին:

Երան Գույումճեան
«Ազատ Ձայն»
Հոկտեմբեր 2004





ՀԲԸՄ-Ի ՄԵԾ ԸՆՏԱՆԻՔԻՆ ԱՆԴԱՄ ՈՂԲԱՑԵԱԼ ՄԱՆՈՒԿ ԳԱԼՓԱՔՃԵԱՆԻ ԱՆԹԱՌԱՄ ՅԻՇԱՏԱԿԻՆ

Այս անգամ մահուան մանգաղը եկավ եւ հնձեց մեր բոլորիս սիրելի ազգային ղեկավար՝ Աղեքսանդրիոյ Պատկառելի Թեմական Ժողովի փոխ ատենապետ եւ ՀԲԸՄ-ի մեծ ընտանիքին անդամ՝ ողբ. Մանուկ Գալփաքճեանի կեանքը: Անսպասելի մահը տեղի ունեցաւ Հինգշաբթի 25 Նոյեմբեր 2004-ի առաւօտեան, իր բնակարանին մէջ, խոր սուգի մատնելով եգիպտահայ գաղութը:



Ողբացեալը ծնած էր Աղեքսանդրիա 10 Փետրուար 1952-ին, հայրենասէր ծնողներ Երուանդ եւ Նուարդ Գալփաքճեաններու յարկին տակ, յաճախած էր Մելգոնեան մանկապարտէզ, եւ Պողոսեան Ազգային Վարժարան, ապա մեկնած Կիպրոս, իր ուսումը շարունակելու ՀԲԸՄ-ի Մելքոնեան Կրթական Հաստատութեան մէջ: Աւարտելէ ետք Մելքոնեանը, Մանուկ կ'ընդունուէր Երեւանի Պետական համալսարանի բանասիրական հիմնարկ:

Թրծուած ազգային ամուր դաստիարակութեամբ, համալսարանաւարտ Մանուկը կը վերադառնար իր ծննդավայրը եւ նախ կը ստանձնէր Պողոսեան Ազգային Վարժարանի հայերէն լեզուի ուսուցման ծանր պաշտօնը, ապա Ազգային Իշխանութեան հրաւերով՝ Նոյն վարժարանի տնօրէնութիւնը, զոր ձեռնհասօրէն կը վարէր երկար տարիներ, բժախնդրօրէն աշակերտութեան ջամբելով ազգային բարձր գիտակցութիւն եւ հայրենասիրութիւն: Աւելի ուշ ան կ'ըլլար հոգաբարձութեան ատենապետ ու Թեմական եւ Զաղաքական Ժողովներու անդամ:

Միութենական կեանքի մէջ ալ իր ազգային լուման կու տար ան, ըլլալով երկարամեայ անդամ եւ վարչական ՀԲԸՄ-ի Աղեքսանդրիոյ Մասնաճիւղին, Տիգրան Երկաթ Հայ Մշակութային Միութեան եւ Աղեքսանդրիոյ ՀՄԸՄ ՆՈՒՊԱՐ-ին, ձեռնհասօրէն վարելով ատենապետի, փոխ ատենապետի եւ այլ պաշտօններ: Ան ամենուրեք եղաւ պարտաճանաչ, պատրաստակամ, բարեացակամ, համեստ, սիրուած, յարգուած եւ գնահատուած անձնաւորութիւն մը:

Ողբացեալը ամուսնացած էր 20 Մայիս 1984-ին Օրդ. Անի Ճինկեօզեանի հետ, որ միշտ քաջալեր եւ նեցուկ հանդիսացած էր ողբացեալին ազգային հասարակական գործունեութեան մէջ:

Ազգային յուղարկաւորութեան տխուր արարողու-

թիւնը կատարուեցաւ Շաբաթ 27 Նոյեմբեր 2004-ի յետ միջօրէի ժամը 1-ին Ս. Պօղոս Պետրոս Եկեղեցւոյ մէջ:

Այս տխուր առիթով Գահիրէէն ժամանած էին Ս. Էջմիածնի միաբաններ Հոգ. Հայր Գաբրիէլ արեղայ Սարգիսեան, Հոգ. Հայր Տաճատ արեղայ Ծառուրեան, Գահիրէի հոգեւոր հովիւ Արժ. Տէր Չենոն քիւյ. Բարսեղեան, Գահիրէի Պատկ. Թեմական Ժողովի ատենապետ տիար Անդրանիկ Մեսրոպեան, Պատ. Զաղաքական Ժողովի եւ ՀԲԸՄ-ի Եգիպտոսի Շրջանակային Յանձնաժողովի ատենապետ տիար Պերճ Թերզեան, Հայ Ազգային Հիմնադրամի եւ Արեւ Օրաթերթի շրջանակին, Կոկանեան Սրահի եւ Գեղարուեստասիրաց Միութեան ներկայացուցիչ՝ տիար Նորայր Տօվլէթեան:

Ներկայ էին Աղեքսանդրիոյ Թեմական եւ Զաղաքական Ժողովներու անդամներ, գլխաւորութեամբ իրենց ատենապետներուն, զանազան հոգաբարձութեան անդամներ, մշակութային, մարզական միութիւններու վարչականներ եւ անդամներ, որոնք եկած էին իրենց վերջին յարգանքը մատուցելու ողբացեալին:

Այս տխուր առիթով խօսք առին Աղեքսանդրիոյ Հոգեւոր Հովիւ Արժ. Տէր Գրիգոր քիւյ. Մուրատեան, Աղեքսանդրիոյ Պատ. Զաղաքական Ժողովի ատենադպիր տղթ. Արմէն Գալուքճեան, Գահիրէի Պատ. Զաղաքական Ժողովի ատենապետ տիար Պերճ Թերզեան, «Արեւ»-ի շրջանակէն տիար Նորայր Տօվլէթեան եւ տղթ. Էտուար Մանուկեան:

Բոլոր խօսողները դրուատեցին հանգուցեալին կեանքի գործունեութեան բազմաթիւ երեսները եւ անոր բոլորանուէր ծառայութիւնները:

Այս տխուր առիթով Եգիպտոսի ՀԲԸՄ-ի շրջանակը անգամ մը եւս կը ցաւակցի իր վշտահար տիկնոջ Անի Գալփաքճեանին, քոջ՝ տիկին Սոնա Մանուկեանին եւ միւս հարազատներուն:

Հանգուցեալին յիշատակը միշտ վառ պիտի մնայ մեր սիրտերուն եւ միտքերուն մէջ:

Թող Եգիպտոսի ասպնջական հողը թեթեւ ըլլայ քու յոգնատանջ ոսկորներուդ վրայ սիրելի Մանուկ:

Սգագիր ընկերդ
Նազարեթ Գարթալեան

*
* * *

Ողբացեալ Մանուկ Գալփաքճեանի քառասունքին առթիւ Կիրակի, 16 Յունուար 2005-ին, Աղեքսանդրիոյ Ս. Պօղոս Պետրոս Եկեղեցիին մէջ տեղի ունեցաւ հոգեհանգստեան պաշտօն, ապա՝ գերեզմանատան մէջ շիրմօրհնէքի արարողութիւն:

Ողբացեալին յիշատակը յարգելու եւ անոր այրիին եւ հարազատներուն ցաւակցելու եկած էին Աղեքսանդրիոյ մէջ գործող բոլոր հայկական ազգային, մշակութային եւ մարզական կառույցներու ներկայացուցիչները, որոնք Տիգրան Երկաթ Մշակութային Միութեան մէջ կայացած հոգեճաշի ընթացքին ելոյթ ունենալով, դրուատեցին հանգուցեալ Մանուկի բազմաթիւ արժանիքներն ու անսակարկ գործունեութիւնը ազգային ու միութենական կեանքէն ներս:



ՄՏՈՐՈՒՄՆԵՐ ԶԲԸՄԻՈՒԹԵԱՆ ԿՐԹԱԿԱՆ ԳՈՐԾՈՒՆԵՈՒԹԵԱՆ ՇՈՒՐՋ

ՀԱԼԵՊԻ Լ. ՆԱՃԱՐԵԱՆ – Գ. ԿԻԼՊԵՆԿԵԱՆ

ԵՐԿՐՈՐԴԱԿԱՆ ՎԱՐԺԱՐԱՆԻ ԶԻՄՆԱԴՐՈՒԹԵԱՆ 50-ԱՄԵԱԿԻՆ ԱՌԹԻ

Ատենին արտասանուած ու գրուած է, որ Հայ ժողովուրդին համար, Հայաստանեայց Առաքելական Սուրբ Եկեցեցիէն ետք, ամենէն նուիրական կազմակերպութիւնը եղած է՝ Հայկական Բարեգործական Ընդհանուր Միութիւնը: Անցեալին թէ ներկայիս ՀԲԸՄ-ը օրինուած է ե՛ւ Էջմիածինի Ամենայն Հայոց ե՛ւ Մեծի Տանն Կիլիկիոյ Վեհափառ Հայրապետներու սրբատառ կոնդակներով:

ՀԲԸՄիութիւնը իր հիմնադրութենէն ի վեր իր օժանդակութիւնը կը հասցնէ հայաշխարհի բոլոր կարիքներուն՝ բարեսիրական, խնամատարական, առողջապահական, շինարարական, ԿՐԹԱԿԱՆ ԵՒ ՄՇԱԿՈՒԹԱՅԻՆ մարզերէն ներս: Կասկած չկայ եւ փառք Աստուծոյ, որ Եղեռնի որպէս հետեւանք անցեալի մեր դժնդակ օրերը անցած են եւ հայ ժողովուրդը ի սփիւռս աշխարհի կ'ապրի աւելի բարգաւաճ կեանքով, նոյնիսկ գերազանց:

ՀԲԸՄիութիւնը գիտակցելով իր առաքելութեան եւ մնալով հաւատարիմ իր սկըզբունքներուն, 1950-ական թուականներէն սկսեալ, դպրոցներու օժանդակելու կողքին, սկսաւ աւելի զարկ տալ եւ ուժերը կեդրոնացնել դպրոցաշինութեան եւ երիտասարդական կեդրոններու կառուցման գործին: Տարակոյս չկայ, որ այս ձեռնարկները անհրաժեշտ են մեր ազգապահպան հայապահպանման, հայերէն լեզուի ու հայկական անկողութիւններու յարատեւ գոյատեւման համար մղուած պայքարի ճանապարհին վրայ:

ՀԲԸՄիութիւնը ըլլալով հայկական կազմակերպութիւն մը, իր իմաստուն եւ տեսիլք ունեցող նախագահներով եւ ղեկավարներով, ունի անգնահատելի վաստակ եւ գերազանց փորձառութիւն ազգային ծառայութեան՝ եւ իրեն վստահուած հարստութիւններու մատակարարման ու գործածութեան մէջ:

Եւ ահա, 1954-ին ՀԲԸՄիութեան Սուրիոյ Շրջանակային Յանձնաժողովի եւ Կրթական Յանձնախումբի խիզախ որոշումով եւ նախաձեռնութեամբ, կը հիմնադրուի Լազար Նաճարեան վարժարանը, բարերարութեամբ ամերիկահայ ազգային Լազար Նաճարեանի, ՀԲԸՄ-ի Նիւ Եորքի Մասնաճիւղի Տիկնանց Վարչութեան եւ Միութեան նուիրատուներուն մասնակցութեամբ: Յետագային, 1958-ին Գ. Կիւլպենկեան Հիմնարկութեան նուիրատուութեամբ կը բարձրանան միջնակարգի եւ երկրորդականի բաժինները:

Եւ այսպէս, 83 աշակերտներով սկսած վարժարանը այսօր ունի աւելի քան 1560 աշակերտներ իր չորս բաժիններուն մէջ, որոնց շուրջ 350-ը սաներ են, մասնակի վճարումներով կամ լրիւ անվճար:

Երկրորդականի 17 աշակերտներով առաջին հունձքէն սկսեալ եւ 2002-2003 տարեշրջանի 42-րդ հունձքով վարժարանը տուած է 2100 շրջանաւարտ, որոնցմէ 1550-ը պետական պաքալորեայի վկայականով: Շրջանաւարտներ, որոնք մտած են կեանքի զանազան ասպարեզներ եւ հայավայել յաջողութիւններ արձանագրած, որ պատիւ կը բերէ վարժարանին եւ կ'արդարացնէ մեր Մեծ Միութեան նպատակադրումները:

Վարժարանիս շրջանաւարտները ամեն տեղ են, աշխարհի հինգ ցամաքամասերուն վրայ, մասնագիտացած բժշկագիտական ու ճարտարագիտական, քաղաքագիտական եւ տնտեսագիտական ճիւղերու մէջ եւ բարձր պաշտօններու ու դիրքերու հասած, իրենց ապրած երկիրներուն կամ միջազգային ընկերութիւններու եւ կառոյցներու մէջ, անշուշտ նաեւ Հայրենիքի՝ մէջ, որուն համալսարաններուն սփիւռքահայ ուսանողներուն մեծամասնութիւնը կը կազմեն վարժարանիս շրջանաւարտները:



Այս տարի ՅԲԸՄիութիւնը համալսարանական կրթաթոշակներ յատկացուցած է սուրիահայ 45 ուսանողներու, նպաստած է հանգստեան կոչուած 60 ուսուցիչներու եւ վաստակաւոր գործիչներու, ինչպէս նաեւ յատկացումներով օժանդակած՝ նպաստընկալ դպրոցներու:

Լ. Նաճարեան – Գ. Կիւլպէնկեան վարժարանի ընդհանուր ծախսերուն մէկ մասը կը հոգացուի կրթաթոշակներով, միւս մասը կը լրացուի ՅԲԸՄիութեան Կեդրոնական Վարչութեան, «Սաներու Պաշտպան» ազգայիններու, ծնողներու եւ Ամերիկայի մէջ գործող Շրջանաւարտից Միութեան նուիրատուութեամբ:

Անցեալ 50 տարիներուն վարժարանը արժանաւորապէս արդարացուցած է իր կոչումն ու բարձր դիրք ապահոված սփիւռքի կրթօճախներու շարքին, փաստ՝ վարժարանի աշակերտութեան թիւը եւ ձեռք բերած յաջողութիւնները, հակառակ նիւթական բոլոր դժուարութիւններուն եւ վայրին անբարենպաստ պայմաններուն:

Սուրիոյ ՅԲԸՄիութեան ղեկավարութիւնը, առաջնորդուելով Միութեան հայ մանուկը հայ կրթօճախի մէջ դաստիարակելու ազգաշէն գաղափարով եւ մտահոգ աշակերտներու թիւին աճով եւ երիտասարդներուն կարիքներով, համապատասխան դպրոցաշէնքի եւ կեդրոնի մը կարիքը նկատի առնելով, ձեռնամուխ եղաւ նոր դպրոցի ու կեդրոնի շինութեան գործին:

Երախտապարտութեամբ կրնանք այստեղ յայտարարել, որ ՅԲԸՄ–ի Գալուստ Կիւլպէնկեան Կեդրոնն եւ Միքայէլ Եսայեան Մանկապարտեզի շքեղ կառոյցը կարելի եղաւ իրականացնել Գ. Կիւլպէնկեան Զիմնարկութեան ազգային հպարտութիւն ներշնչող՝ Զայկական Բաժանումքին արքայավայել նուիրատուութեամբ ու բարերարութեամբ:

Այսպէս, 2003–2004 ուսումնական տարուան վերամուտին, Մանկապարտեզի 310 փոքրիկներ, ուրախութեամբ ցնծացող շրջանաւարտ ծնողներու առաջնորդութեամբ, մուտք գործեցին դպրոցական ամէ-

նէն արդիական կահաւորումով եւ անհրաժեշտ սարքաւորումներով օժտուած Մանկապարտեզի հեքիաթային աշխարհը:

Հպարտութեամբ եւ գոհանակութեամբ պետք է նշենք, որ այսօր վարժարանիս Կրթական Յանձնախումբը, Տնօրէնութիւնը եւ հայ ուսուցիչներուն բացարձակ մեծամասնութիւնը վարժարանիս շրջանաւարտներէն են, իսկ աշակերտները շրջանաւարտներու զաւակներ ու թոռներ:

Ի տես եւ վկան այսօրուան, լաւատեսութեամբ պետք է զինուիք դպրոցի ապագային հանդէպ: Մինչեւ այն ատեն, որ հալէպահայ գաղութը կը գոյատեւէ, վարժարանս միշտ պիտի մնայ իր բարձունքին վրայ, եւ աւելի ծաղկի ու բարգաւաճի, շրջանաւարտ ծնողներու զաւակներով եւ թոռներով եւ նիւթական օժանդակութեամբ:

Արդ, վարժարանիս լուսաշող 50–ամեակին առիթով, երախտագիտութեան եւ շնորհակալութեան խօսք կ'ուղղենք բոլոր հիմնարկութիւններուն ու բարերարներուն՝ ՅԲԸՄիութեան Կեդրոնական Վարչութեան, Գ. Կիւլպէնկեան Զիմնարկութեան, Վաչէ եւ Թամար Մանուկեան Զիմնարկութեան, «Սաներու Պաշտպան» անհատ բարերարներուն ու շրջանաւարտներուն:

Երախտագիտական շերմ խօսքեր դպրոցի անցեալի եւ ներկայի տնօրէններուն եւ ուսուցչական կազմերուն, որոնք մարտիկներն են հայապահպանումի վեհ առաքելութեան:

Կը շնորհաւորենք նաեւ ձեզ, սիրելի շրջանաւարտ ծնողներ, ձեր վարժարանի 50–ամեայ ոսկեայ յոբելեանին առիթով, յաջողութիւններ եւ յարատեւ բարձունքներ ձեր իսկ վարժարանին:

Փառք ու պատիւ ՅԲԸՄիութեան եւ անոր ազգաշէն գործին ու կրթասեր ղեկավարութեան:

2. Գուշեան
Խօսնակ
Սեպտեմբեր 2004



ԳԱՀԻՐԵԻ ՀԲԸՄ-Ի «ՍԱԹԵՆԻԿ 6. ՉԱԳՈՐ ՀԻՄՆԱԴՐԱՄ»Ը ԿԸ ՊԱՐԳԵԻԱՏՐԻ ԵԳԻՊՏԱՀԱՅ ԳԵՐԱԶԱՆՑԻԿ ՇՐՋԱՆԱԲԱՐՏՆԵՐԸ

ԳԱՀԻՐԵ

24 Նոյեմբեր 2004:

Գահիրեի ՀԲԸՄ ՆՈՒՊԱՐ-ի հաւաքավայրին մէջ իրենց ծնողներով եւ հարազատներով, սեղաններու շուրջ հաւաքուած են Գահիրեաբնակ այն ինը շրջանաւարտները՝ ութը աղջիկ եւ մէկ տղայ, որոնք գերազանց արդիւնքներով 2003-2004 տարեշրջանին կրթական զանազան հանգրուաններ աւարտած են:

Հաւաք-թեյասեղանը կազմակերպած է ՀԲԸՄ-ի Գահիրեի Մասնաճիւղը, որուն վարչական անդամները եկած են պատուելու գերազանցիկ շրջանաւարտները, թուականէս չորս տարի առաջ իրենց իսկ հաստատած «Սաթենիկ 6. Չագըր Հիմնադրամ»-ի «Ուսումնական Գերազանցութեան Վկայագիր»-ով, նիւթական մրցանակով եւ նուէրով: Ներկայ են նաեւ մեր Ազգային գոյգ վաժարաններու տնօրէնները:

Մտերմիկ կերուխումն ու գրոյցը կանգ առին երբ ՀԲԸՄ-ի Գահիրեի Մասնաճիւղի ատենապետ տիար Օննիկ Պըքտանեան բարի գալուստի եւ շնորհաւորական խօսքով պատշաճ ելոյթ մը ունեցաւ, խօսքը ուղեւով ծնողներուն ու մանաւանդ գերազանցիկներուն:

«Այսօր, այս սրահին մէջ – ըսաւ ան – հաւաքուած ենք շնորհաւորելու Գահիրեաբնակ մեր այն շրջանաւարտները, որոնք 2003-2004 տարեշրջանին ձեռք ձեռքին շատ փայլուն արդիւնքներ:

ՀԲԸՄ-ը ուրախ է որ այսօր կը տեսնէ ուսանողներ, որոնք երեք տարի առաջ Նոյնպէս փայլուն արդիւնքներով աւարտած էին Նախակրթարանի կամ պատրաստականի բաժինները: Վարչութիւնս իրենց կը մաղթէ որ Նոյն լրջութեամբ եւ բժախնդրութեամբ շարունակեն իրենց ուսումը, Նորանոր փայլուն յաջողութիւններ արձանագրելով:

Վարչութիւնս Նոյնպէս կը շնորհաւորէ համալսարանականները, որոնք իրենց կեանքին առաջին գլխաւոր հանգրուանը աւարտեցին եւ զինուած գիտելիքներով եւ ուսումնական գերազանց արդիւնքներով, պիտի նետուին դէպի կեանքի Նոր հորիզոններ: Յաջողութեան մեր լաւագոյն մաղթանքները ձեր ընտրելիք կեանքի ասպարեզին մէջ:

Անցեալ ամիս, Հայաստանի մէջ տեղի ունեցաւ ՀԲԸՄ-ի 83-րդ Ընդհանուր Ժողովը: Այս առիթով ՀԲԸՄ-ի Կեդրոնական Վարչութիւնը իւրաքանչիւր Մասնաճիւղէ խնդրած էր ներկայացնել իր շրջանակը յուզող երկու գլխաւոր մտահոգութիւն կամ դժուարութիւն:

Չարմանալիօրէն հաւաքին ներկայ 30 տարբեր քաղաքներու ներկայացուցիչներուն առաջին մտա-

հոգութիւնը հայկական դպրոցներու դժուարութիւններն էին, որոնցմէ՝ աշակերտութեան թիւը, հայերէն լեզուի ուսուցիչներուն պակասը, նիւթական դժուարութիւններ եւայլն, իսկ երկրորդ մտահոգութիւնը՝ հայապահպանումը:

Պատկերը շատ յստակ է: Մենք՝ հայերս, հարիւրաւոր տարիներ շարունակ ամէն տեսակ դժուարութիւններ, տիրակալութիւններ եւ ջարդեր դիմագրաւելէ ետք, կարողացած ենք պահպանել մեր ինքնութիւնը, գոյատեւած ենք մինչեւ այսօր, սակայն այս խաղաղ տարիներուն, մենք մեր անտարբերութեամբ պիտի կորսնցնենք մեր Նախահայրերուն հրաշալի պայքարով ձեռք ձգած գոյատեւումը:

Սիրելի գերազանցիկներ, այստեղ կ'ուզեմ ձեզի տալ իմ խորհուրդս: Պէտք չէ՝ մոռնաք որեւէ մէկ պարագայի տակ որ դուք ամէն բանէ առաջ հայ էք եւ ձեզմէ իւրաքանչիւրը պարտաւոր է պայքարիլ հայապահպանման համար: Այս ուղղութեամբ առաջին եւ ամենապարզ քայլը բոլորիդ համար, իրարու հետ հայերէն խօսիլն է, առանց օտար բառեր խառնելու: Հայերէն սորվեցէք, հայերէնով մտածեցէք, հայերէն երգեցէք, հայկական եկեղեցիին մէջ հայկական պատարագի ներկայ գտնուեցէք եւ հայկական ակումբներ յաճախեցէք: Այս բոլորը պիտի օգնէ որ ճանչնաք եւ յարգը գիտնաք մեր հարուստ մշակոյթին ու հպարտ ըլլաք որ հայ էք եւ այդ հպարտութեամբ դառնաք աշխոյժ եւ գործունեայ անդամները մեր գաղութին, պահպանելով մեր մշակոյթը վտանգաւոր բոլոր օտար հոսանքներուն ազդեցութենէն»:

Ապա յարգելի ատենապետը անդրադարձաւ ՀԲԸՄ-ի Հայաստանի մէջ իրագործած ծրագիրներուն, որոնց առընթեր ներկայացուց Միութեան 83-րդ հաւաք – Ժողովին ընթացքին իր նկարահանած տեսաերիզը, տալով համապատասխան բացատրութիւններ:

Տեսաերիզի ցուցադրութենէն ետք գերազանցիկ շրջանաւարտները վարչական անդամներուն ձեռամբ ստացան իրենց «Ուսումնական Գերազանցութեան Վկայագիր»ները, մրցանակներն ու նուէրները:

Կը յուսանք եւ կը մաղթենք որ իւրաքանչիւր գերազանցիկի մտքին ու հոգիին մէջ վառ կը մնայ հանգուցեալ բարերարուի Տիկնոջ անունը ու այդ բարերարութեամբ կատարուած գործը զոր կ'իրականացնէ ՀԲԸՄ-ի խորհուրդը:

«Տ.»



Վարչական Անդամները եւ ազգային վարժարաններու տնօրէնները գերազանցիկ ուսանողներուն հետ:



Պատուոյ Սեղանը ձախէն՝ տիար Պերճ Թերզեան, տիկին Սեդա Թերզեան, տիար Օննիկ Պլըքտանեան, տիկին Արշօ Պլըքտանեան, տիար Օննիկ Կարիպեան, տիկին Արաքսի Տօվլէթեան, տիար Նորայր Տօվլէթեան:



Տիար Մարտիկ Պալաեան Գարուին Շուշանեանի մրցանակը յանձնած պահուն:



Տիար Միսաք Չէչեւեան Թալին Սարգիսի կը յանձնէ մրցանակն ու վկայագիրը:



Տիար Նորայր Տօվլէթեան կը շնորհաւորէ Էտնա Թրայեանը:



Տիար Զրիստափոր Միքայէլեան Թալին Պարութեանի վկայագիրը յանձնած պահուն:



Օր. Սոնա Մարգարեան Նայիրի Դեղինեանի կը յանձնէ մրցանակն ու վկայագիրը:



Տիար Պերճ Թէչեւեան կը շնորհաւորէ Լորա Գասապեանը:



Տիար Նորայր Տօվլէթեան Ալեն Ղազարեանի մրցանակը յանձնած պահուն:



Տիար Զրիստափոր Միքայէլեան կը շնորհաւորէ Ալիս Յակոբեանը:



Տիար Պերճ Թէչեւեան ժողովի Թագայի կը յանձնէ մրցանակն ու վկայագիրը:



ԱՂԵՔԱՆԴՐԻԱ

Գեղեցիկ աւանդութիւնը կը շարունակուի: Չորրորդ տարին ըլլալով, ԶԲԸՄ-ի Գահիրէի Մասնաճիւղը եգիպտահայ գերագանցիկ ուսանողութիւնը կը պարգեւատրէ, «Սաթենիկ Ճ. Չագըր Զիմնադրամ»-ի «Ուսումնական Գերագանցութեան Վկայագիր»ով եւ նիւթական մրցանակով:

Պարգեւատրման հանդիսութեան ներկայ գըտնուելու համար, Կիրակի, 12 Դեկտեմբեր 2004-ի երեկոյեան Աղեքսանդրիա ժամանեցին ԶԲԸՄ-ի Գահիրէի Մասնաճիւղի ատենապետ եւ Եգիպտոսի Շրջանակային Յանձնաժողովի անդամ՝ տիար Օսնիկ Պլըքտանեան եւ ԶԲԸՄ-ի Գահիրէի Մասնաճիւղի օժանդակ անդամ՝ տիար Կարէն Զեհիայեան, որոնք դիմաւորութեան ԶԲԸՄ-ի Աղեքսանդրիոյ Մասնաճիւղի ատենապետ տիար Սարգիս Վարձպետեանի եւ վարչութեան անդամներուն կողմէ:

Գերագանցիկներու ծնողներէն եւ ընտանեկան պարագաներէն զատ ներկայ էին Աղեքսանդրիոյ Զոգեւոր Զովի Արժ. Տէր Գրիգոր քնյ. Մուրատեան, Պօղոսեան Ազգային վարժարանի տնօրէնուհի օրդ. Շուշան Կանիմեան, Նոյնպէս վարժարանի նախկին տնօրէնուհի եւ վաստակաշատ ուսուցչուհի տիկին Պերճուհի Ներսեսեան:

Բացման հակիրճ խօսքով ելոյթ ունեցաւ Միութեանս փոխ ատենապետ տոքթ. Կարապետ Աւսուրեան որ շնորհաւորեց գերագանցիկները եւ անոնց ծնողները եւ հրաւիրեց ներկաները մէկ վայրկեան յոտնկայս լռութեամբ յարգելու յիշատակը Նոյեմբեր 25-ին մահացած Միութեանս նախկին փոխ ատենապետ օրդ. Մանուկ Գալիաքճեանի:

Հանդիսութեան ընթացքին, Գահիրէի ԶԲԸՄ-ի ատենապետ տիար Օսնիկ Պլըքտանեան պատշաճ

ելոյթ մը ունեցաւ եւ ի միջի այլոց յորդորեց երիտասարդները որ ապագային իրենց աշխատութեան բաժինը բերեն մեր մշակութային սրահներուն, եկեղեցիին, վարժարանին, մէկ խօսքով՝ օգտակար հանդիսանան հայ ազգին:

Ներկայացուեցաւ ԶԲԸՄ-ի 83-րդ Ընդհանուր Ժողով-Հաւաքին տեսաերիզը, որ տեղի ունեցած էր Շաբաթ 2-9 Զոկտմբեր 2004-ին Երեւանի կեդրոնը գտնուող Արմենիա Մարիոթ պանդոկին մէջ: Տիար Օսնիկ Պլըքտանեան տեսաերիզի ցուցադրութեան ընթացքին ներկաներուն բացատրութիւններ տուաւ:

Տեսաերիզին ցուցադրութիւնը մեծ հետաքրքրութիւն ստեղծեց եւ գնահատուեցաւ ներկայ հասարակութեան կողմէ:

Ցուցադրութիւնէն ետք տեղի ունեցաւ 2003-2004 ուսումնական տարեշրջանի Աղեքսանդրիոյ գերագանցիկ ուսանողներուն պարգեւատրումը: Անոնք հանգամանաւոր անձերու կողմէ ստացան ԶԲԸՄ-ի «Ուսումնական Գերագանցութեան Վկայագիր»-ը, Նուր մը եւ նիւթական մրցանակ:

Ներկաները հիւրասիրութեան թելով, քաղցրաւեւիներով եւ աղէղէններով որոնց պատրաստութիւնը յանձն առած էր Միութեանս ժրաջան Տիկնանց Յանձնախումբը:

Չուարթ եւ գոհ մթնոլորտի մէջ ներկաները հրաժեշտ առին սրահէն, որովհետեւ հայու մեր զաւակներուն յաջողութիւնը հպարտութիւն կը պատճառէ բոլոր հայերուս:

Թղթակից

«ՍԱԹԵՆԻԿ Ճ. ՉԱԳԸՐ» ՀԻՄՆԱԴՐԱՄ ԿԱՐԻՔԱԴՐ ԶԱՄԱԼՍԱՐԱՆԱԿԱՆ ՌԻՍԱՆՈՂՆԵՐՈՒՆ ՏԱՐԵԿԱՆ ՆՈՒԻՐԱՏՈՒՈՒԹԻՒՆԸ

Գահիրէի ԶԲԸՄ-ի «Սաթենիկ Ճ. Չագըր Զիմնադրամ»ը՝ իններորդ տարին ըլլալով, Գահիրէ - Էյն Շամս համալսարաններու կարիքաւոր ուսանողներու ֆոնտին նուիրեց 50,000 եգիպտական ոսկի:

Այս նպատակով կազմուած յատուկ պատուիրակութիւնը՝ յանձինս տիար Մարտիկ Պալաեանի եւ տոքթ. Ճորճ Սիմոնեանի, 29 Դեկտեմբեր 2004-ին, մասնաւոր ժամադրութեամբ այցելեց Եգիպտական Համալսարաններու Բարձրագոյն Խորհուրդի Կեդրոնական Ֆոնտի քարտուղար տոքթ. Ապտալլա Պարաքաթին եւ անոր յանձնեց «Ս.Ճ.Չ.» Հիմնադրամին փոխգիրը:

Մեծարգոյ Տոքթօրը մեծապէս գնահատեց ԶԲԸՄ-ի ամենամեայ այս ազնիւ վերաբերումը՝ եգիպտացի ուսանողներուն հանդէպ:




2003-2004 Ուսումնական Տարեշրջանի Աղեքսանդրիոյ գերազանցիկ ուսանողները:



Տիար Օսնիկ Պլըքտանեան տեսաերիզի ցուցադրութեան պահուն բացատրութիւններ կու տայ ներկաներուն:



Աղեքսանդրիոյ գերազանցիկները Գահիրէի եւ Աղեքսանդրիոյ վարչական անդամներուն հետ:



Տոքթ. Կարապետ Անսուրեան բացման խօսքի պահուն:



Տիար Օսնիկ Պլըքտանեան ելոյթին պահուն:



Տիար Սարգիս Վարձպետեան Սերճ Կորտեանի կը յանձնէ մրցանակն ու վկայագիրը:



Տիար Սարգիս Վարձպետեան Իվան Միսքենանի վկայագիրը յանձնած պահուն:



Տիար Կարի Զէհեահեան Ռաֆֆի Հալաճեանի վկայագիրը յանձնած պահուն:



Տիար Օսնիկ Պլըքտանեան խօսքի պահուն:



Տիար Օսնիկ Պլըքտանեան կը շնորհաւորէ Անսուրէ Իսքանտարը:



ՀԲԸՄ-Ի ԳԱՅԻՐԵԻ ՄԱՍՆԱԾԻՂԻՆ ՄԱՆՈՒԿՆԵՐՈՒ ՆՈՐԱԿԱԶՄ ԵՐԳՉԱԽՈՒՄԲԻՆ ԱՆԴՐԱՆԻԿ ԵԼՈՅԹԸ



Առաջին շարք ծախեն՝ Ռուպինա Մոսաատ, Լորիկ Տրդատեան, Մարիան Աբիկեան, Արեգ Աբգարեան, Սիլվա Պաթանի, Մանե Ծիգմեճեան, Լուսածին Ղազելեան, Գաթրին Իրատեան, Երկրորդ շարք ծախեն՝ Ասիե Ծիգմեճեան, Մարինա Սիմոնեան, Գրիս Գըլլոյեան, Փաթիլ Պաթանի, Բոքսան Զեհեայեան, Վարդան Թերզիպաշեան, Ռաֆֆի Սուլթանեան եւ Ռուբեն Մոսաատ:

Ս. Ծննդեան տոսին առթիւ, Հայ Գեղարուեստասիրաց Միութեան կազմակերպած Երիտասարդական Փառատոսին, առաջին անգամ ըլլալով, ելոյթ ունեցաւ ՀԲԸՄ-ի մանուկներու նորակազմ երգչախումբը:

Իրենց գեղեցիկ զգեստով, 16 փոքրիկները կը զարդարէին բեմը:

Ղեկավարութեամբ Սօ. Միհրան Ղազելեանի եւ դաշնակի ընկերակցութեամբ տիկին Նանօր Աբիկեանի, փոքրիկները չորս երգ կատարեցին: «Նոր Տարի» Ռուպերթ Պետրոսեանի, «Նոր Տարի» Մելիք Մավիսաքալեանի, «Կաղանդ Պապան եւ Նոր Տարին» Խ. Մարտիրոսեանի, մենակատարներ Լորիկ Տրդատեան, Մարիան Աբիկեան եւ Ռուբեն Մոսաատ եւ վերջապէս We Wish You A Merry Christmas:

Բոլոր երգերը գնահատուեցան ներկանե-

րուն կողմէ, իսկ մենակատարներուն կատարած երգը՝ ստացաւ բուռն ծափահարութիւն, իրենց ինքնավստահ եւ համարձակ կատարումին համար: Տիկին Գոհար Ղազելեան իր քաղցր ձայնով խումբին միացաւ վերջին երգին ընթացքին, ժողովուրդին գնահատական ծափահարութիւնը հասցնելով իր գագաթին:

Ուրախութիւն էր եւ հրճուանք մեզի համար փոքրիկներուն ելոյթը, մանաւանդ այն փոքրիկներուն որոնք հայկական դպրոց չեն յաճախեր, եւ այսուհանդերձ երբ առիթը ունեցան մասնակցելու այս երգչախումբին, կանոնաւորապէս ներկայ եղան փորձերուն եւ այդ օրը իրենց հայաշունչ երգերով խանդավառեցին բոլորին:

Շնորհակալութիւն բոլոր-բոլորին, յարատեւութիւն եւ նորանոր յաջողութիւններ:

Անի Պողոսեան



ՀԱՐՄ ՆՈՒՊԱՐԻ ԿԵԱՆՔԷՆ

ԿԱՂԱՆԴ ՊԱՊԱՅԻՆ ԱՅՑԵԼՈՒԹԻՒՆԸ

Ուրբաթ, 24 Դեկտեմբերին աւելի քան 150 հոգի ներկայ գտնուեցան ՀԱՐՄ ՆՈՒՊԱՐ-ի կաղանդի հանդիսութեանը, ուր աւանդութիւն դարձած է հանդիսութիւնը սկսիլ անուշեղէնի պազարով:

ՀԱՐՄ-ի ժրաջան տիկիներուն ճիգերուն շնորհիւ, պատրաստուած էր ճոխ անուշասեղան մը, որտեղ ճաշակով տեղադրուած էին բազմատեսակ թխուածքներ անուշեղէններ եւ զանազան ճաշատեսակներ:

Կեսօրուայ ժամը 1:00-ին պազարին բացումը կատարեց օրուայ Նախագահուհի տիկին Սիլվա Աբիկեան: Կես ժամ չանցած արդէն սեղանները պարպուած էին եւ սկսած էր ճաշի սպասարկութիւնը: Սեղաններու շուրջ աշխոյժ խօսակցութիւններու եւ կերուիտումի ուրախ մթնոլորտի մէջ, փոքրիկները անհամբեր կը սպասէին Կաղանդ Պապային ժամանումը:

Կերջապէս, երեկոյեան ժամը 4.00-ին, ան երեւաց ՀԱՐՄ ՆՈՒՊԱՐ-ի շէմին: Մանուկները հրճուանքի ճիչերով վազեցին դիմաւորելու զինք: Ժպտաղէմ Կաղանդ Պապան հազիւ տեղաւորուեցաւ իր աթոռին վրայ, մօտ 70 մանուկ բոլորուեցան իր շուրջ՝ ստանալու համար իրենց նուերները:

Փոքրիկներու ուրախութիւնը ամբողջացաւ միջիմառուներուն ու աճապարարներուն ժամանումով, որոնք



երկու ժամ շարունակ զբաղեցուցին ներկաները իրենց զանազան խաղերով եւ անակնկալներով:

Երկար էր օրը, սակայն հաճելի, եւ մանուկներուն համար եւ ծնողներուն:

Սաթօ Աբգարեան

ԳՆԴԱՄՈՒՂԻ ՄՐՑԱՇԱՐՔ

ՀԱՐՄ ՆՈՒՊԱՐԻ մէջ 24 Նոյեմբեր – 12 Դեկտեմբեր 2004-ին տեղի ունեցաւ գնդամուղի միջ-անդամային 6-րդ մրցաշարքը:

Սոյն խաղերուն մասնակցեցան՝ անհատական խաղաձեւին՝ 24 հոգի, իսկ զուգահաշդերուն՝ 9 զոյգեր:

Աւարտական մրցումները տեղի ունեցան Կիրակի, 12 Դեկտեմբեր ժամը 6-էն մինչեւ գիշերուայ 12-ը:

Անհատական խաղաձեւին՝ ախոյեան հանդիսացաւ տիար Յակոբ Գալիշեան:

Իսկ զուգահաշդին մէջ յաղթական հանդիսացաւ Արմէն Վարժապետեան – Ժանօ Ղազարեան զոյգը:

Մրցումներուն աւարտին, ՀԱՐՄ ՆՈՒՊԱՐԻ ատենապետ՝ տղք. Կարօ Աբգարեան եւ փոխ ատենապետ տիար Յրաչ Սիմոնեան, յաջորդաբար յաղթական 3 խաղացողներուն յանձնեցին բաժակները:

Մրցաշարքին բաժակները նուիրուած էին տեր եւ տիկին Վարդ Ալեքսանեաններուն կողմէ:

ՊԱՏԱՆԵԿԱՆ ԲԱՆԱԿՈՒՄ

Յունուար 24 – 25 Հելիոպոլսոյ ՀԱՐՄ ՆՈՒՊԱՐ մարզարանին մէջ երկօրեայ պատանեկան բանակում մը տեղի ունեցաւ, որուն մասնակցեցան 31 հոգի:

Կազմակերպիչ պատանիներ Յրազդան Գալընեան, Սարօ Պլըքտանեան, Գեղամ Թերզիպաշեան եւ Մարի Թերզեան, պատասխանատուներ տղք. Ճորճ Սիմոնեանի եւ տիկին Լիլիան Իրատեանի հսկողութեամբ յաջող բանակում մը կազմակերպած էին:

Առաջին օրը տեղի ունեցան խաղեր, զանաւարձաւ, ճաշի պատրաստութիւն եւ խարոյկի շուրջ հաւաքոյթ:

Երկրորդ օրը Նախաճաշէն ետք մասնակիցները մարզարանին փոքրիկներուն յատուկ խաղավայրին օրօրոցները եւ պատերը ներկեցին, ապա՝ ճաշէն ետք առանց ուզելու մեկնեցան իրենց տուները:





ՄԵՐ ԳԱՂՈՒԹԵՆ ՆԵՐՍ

ԶՄԵՌ ՊԱՊԸ Կ'ԱՅՅԵԼԷ ՀԱՅԱՍՏԱՆԻ ՀԱՆՐԱՊԵՏՈՒԹԵԱՆ ԴԵՍՊԱՆԱՏՈՒՆԸ

Ինչպես ամեն տարի, այս տարի եւս Ձմեռ Պապը այցելեց ՀՀ Դեսպանատուն: Չորեքշաբթի, 29 Դեկտեմբեր 2004-ի երեկոյեան ժամը 7-ին Դեսպանատան գեղեցիկ պարտեզին մէջ, Եգիպտոսի մօտ ՀՀ-ի Դեսպան տոքթ. Ռուբեն Կարապետեան եւ տիկինը, Խորհրդական օր. Անահիտ Թովմասեան, Դեսպանատան Բ. Քարտուղար տիար Միքեր Մկրտումեան եւ տիկինը ջերմօրէն կ'ընդունէին հիւրերը:

Փոքրիկներուն համար այս կաղանդ պապան տարբեր էր ուրիշներէ, որովհետեւ անոնք համոզուած էին թէ անկէկա իրենց համար յատկապէս Հայաստանէն եկած է: Հայկական երգերով խանդավառուած փոքրիկները պարով ու երգով ընդունեցին Ձմեռ Պապը, իրենցմէ ամեն մէկը իր սիրելի Ձմեռ Պապիկին երգ մը երգեց կամ արտասանութիւն մը արտասանեց, յետոյ ստացաւ իր երկա՛ր սպասած նուէրը:

Այդ ուրախութիւնը միայն փոքրիկներուն համար չէր, այլ նաեւ ծնողներուն եւ ներկայ հիւրերուն, որոնք եկած էին Դեսպանատան կազմը շնորհաւորելու նոր տարուան առթիւ:

Ընդունելութեան ամբողջ ընթացքին ներկաները կը սպասարկուէին պտուղներու հիւթով, քաղցրաւենիներով եւ աղեղէններով:



Հայկական երգն ու երաժշտութիւնը բոլորը մղեց պարելու, եւ գրեթէ մէկ ժամէն անելի ծնողները եւ փոքրիկները Ձմեռ Պապին հետ պարեցին:

Յոգնած Ձմեռ Պապը հրաժեշտի երգով մեկնեցաւ, բայց փոքրիկներուն խօսք տուաւ որ յառաջիկայ տարի դարձեալ պիտի այցելէ իրենց հայրենիքը ներկայցնող Դեսպանատուն, եւ իրենց պատուիրեց որ մնան խելօք ու հնազանդ:

Անի Պողոսեան

ԿԱՂԱՆԴ «ԱՅԾԵՄՆԻԿ» ՀԱՆԳՍՏԵԱՆ ՏԱՆ ՄԷՋ



2004 թուականի Դեկտեմբերի կեսէն ետք Կաղանդ Պապան Գահիրէ հասաւ եւ սկսաւ իր ամենամեայ այցելութիւններուն:

Բռնաւորուած Կաղանդ Պապան ինչպէս միշտ, այցելեց դպրոցներ, միութիւններ, բնակարաններ, ՀՀ Դեսպանատուն եւ նուէրներ բաշխելով ուրախացուց մեծերն ու փոքրերը:

Այնպէս կը թուի թէ այս տարի վերջապէս ան մտածեց այցելել նաեւ «Այծեմսիկ» հանգստեան տան բնակիչներուն, որոնց հիւրասենեակը ամանորեայ գոյնզգոյն զարդարանքներով եւ տօնածառով զարդարուած, տօնական հրապուրիչ տեսք ստացած էր:

Երգ ու երաժշտութիւն, կերուխում եւ պարասեր կաղանդ պապա ու ... նուէրներ: Կարելի չէր մերժել Կաղանդ Պապային: Ներկաներէն շատեր ընդառաջելով անոր պարի հրաւերին, պարեցին ու զուարճացան:

2004-ի 28 Դեկտեմբերը անմոռանալի օր մը եղաւ «Այծեմսիկ»-ի բնակիչներուն համար:

Երբ Կաղանդ Պապային հարցուցինք թէ ինչպէ՞ս եղաւ որ մտածեց այս տարի այցելել նաեւ «Այծեմսիկ», ուրախութեամբ փայլող աչքերով նայեցաւ ու ըսաւ: – Նամակ ստացայ «Այծեմսիկի Բարեկամներ» անունով մարմինէ մը:



ՀԳՄ-Ի ԵՐԻՏԱՍԱՐԴԱԿԱՆ ՓԱՌԱՏՈՆԸ

Ինչպես ամեն տարի, այս տարի եւս, Հայ Գեղարուեստասիրաց Միութեան Վահան Թեքեան Երիտասարդաց Յանձնախումբը Յունուար 6, 2005-ին, Ս. Ծննդեան տօնին առթիւ Պլըքտանեան հանդիսասրահին մէջ կազմակերպեց երիտասարդական փառատօն մը հովանաւորութեամբ Եգիպտահայոց Թեմի Առաջնորդական Տեղապահ Հոգշ. Հայր Աշոտ վարդապետ Մնացականեանի եւ նախագահութեամբ տէր եւ տիկին Անդրանիկ Մեսրոպեանի:

Փառատօնին պատուոյ հիւրն էր տիկին Ալիս Տեփոյեան:

Այս փառատօնը, ՀԳՄ-ի 85 ամեակին նուիրուած ձեռնարկներու շարքին երկրորդն էր:

Վահան Թեքեան Յանձնախումբի երիտասարդները ներկայացուցին 1959-ին սկիզբ առած ու մինչեւ այժմ շարունակուող փառատօնին պատմութիւնը, մասնակցութեամբ ՀԳՄ-ի «Հայ եւք Մենք» մանկապատանեկան խումբին:

Յայտագիրին առաջին բաժինին մէջ ելոյթ ունեցան ՀԲԸՄ-ի նորակազմ փոքրերու երգչախումբը, Գալուստեան եւ Նուպարեան Ազգ. Վարժարաններու միացեալ երգչախումբը խմբավարութեամբ՝ Սօ. Միհրան Ղազէլեանի եւ Տիգրան Երկաթ Մշակութա-

յին Միութեան պարախումբը:

Սոյն հանդիսութեան դասախօսն էր տոքթ. Էտուար Մանուկեան:

Յայտագիրին երկրորդ բաժինն մէջ ելոյթ ունեցան մեներգչուի տիկին Գոհար Զազէլեան դաշնակի ընկերակցութեամբ տիկին Իրինա Աբգարեանի եւ Արցախէն դաշնակարուի օր. Մարիա Այվազեան:

Այս առիթով, Միութեան ատենապետ տիար Գրիգոր Մարգարեան յիշատակի նուերներ յանձնեց կարգ մը անհատներու որոնք տարիներու ընթացքին երիտասարդական փառատօններու կայացման մէջ կազմակերպչական աշխատանքով կամ յայտագիրներուն իրենց մասնակցութիւնը բերելով նպաստած էին անոնց կայացման: Անոնցմէ առաջինն էր ՀԳՄ-ի ներս երկարամեայ վաստակ ունեցող օրուան պատուոյ հիւրը՝ տիկին Ալիս Տեփոյեան, երկարամեայ անդամ տիար Օննիկ Պլըքտանեան, եւ արուեստներն տիկ. Սոնիա Յակոբեան (Սարգիս), տիկ. Սեդա Գեորգեան, տիար Ժիրայր Տեփոյեան, տիկին Սիլվա Թերզիպաշեան, տիկ. Նորա Զեօհնէլեան եւ տիար Ալետիս Մովսէսեան:

2005-ի փառատօնը վերջ գտաւ Հոգշ. Հայր Աշոտ վարդապետ Մնացականեանի փակման խօսքով եւ պահպանիչով:

ԳԱՀԻՐԵԻ «ԱՐԱՔՍ» ԵՐԳՉԱԽՈՒՄԲԻՆ ԱՆԴՐԱՆԻԿ ԵԼՈՅԹԸ

Աւելի քան տասը տարի է Գահիրէի մէջ ներկայ կ'ըլլանք հայրենիքէն Եգիպտոս հրաւիրուած խմբավարներու կազմակերպած երգչախմբային ելոյթներուն:

Կիրակի 16 Յունուար 2005-ի երեկոյեան ժամը 7-ին, Պլըքտանեան հանդիսասրահին մէջ ներկայ եղանք Գահիրէի Ազգային Առաջնորդարանի նորակազմ «Արաքս» երգչախումբի անդրանիկ մենահամերգին:

Երգչախումբին կազմաւորման ընթացքին ու «Արաքս» անուանման մասին ընդաձակ տեղեկութիւններով տիկին Նորա Զեօհնէլեան բացումը կատարեց մենահամերգին որ տեղի կ'ունենար երգչախումբին կազմաւորման առաջին տարեդարձին եւ «Արաքս» անունով կոչուելուն առիթներով:

Խումբը կազմուած 20 անդամներէ, խմբավար Միհրան Ղազէլեանի ղեկավարութեամբ ներդաշնակօրէն երգեց 15 երգ, հայերէն եւ անգլերէն լեզու-

ներով: Երգացանկին վրայ կային Ս. Ծննդեան, դասական, քնարական եւ ազգային երգեր: Երգչախումբին կը նուագակցէր տիկին Իրինա Աբգարեան:

Ակնյայտ էր երգին հետ երգարուեստի կանոնները խումբին եւ մենակատարներուն Սիլվա Թերզիպաշեանի եւ Սերժ Սետեֆճեանի, (նշենք որ մենակատարուի Գոհար Ղազէլեան արհեստավարժ երգչուի է) ծանօթացնելու համար խմբավարին թափած ճիգը, որուն որպէս արդիւնք ժողովուրդը աւելի եւս պիտի ըմբռնէր ելոյթը, եթէ չըլլար բեմին առջեւ նստած փոքրիկներուն վազվզուքն ու աղմուկը:

Մենահամերգը հովանաւորող Եգիպտահայոց Թեմի Առաջնորդական Տեղապահ Հոգշ. Հայր Աշոտ վրդ. Մնացականեան ելոյթի աւարտին շնորհակալութեան խօսք ուղեց երգչախումբին ու յարատեւութիւն մաղթեց անոնց



«ՀԱՅ ԲՐԻՍՏՈՆԵԱՅ ԸՆՏԱՆԻՔ»Ի ԿԻՐԱԿՆՕՐԵԱՅ ՀՈԳԵՒՈՐ ԴԱՍԸՆԹԱՑՔՆԵՐՈՒՆ ՄԱՍՆԱԿՑՈՂ ՄԱՆՈՒԿՆԵՐՈՒՆ ԵՎ ՊԱՏԱՆԻՆԵՐՈՒՆ ՆԵՐԿԱՅԱՑՈՒՄԸ



Արդեն մեկ ու կես տարի է որ կը գործէ «Հայ Բրիստոնեայ Ընտանիք»ի Կիրակնօրեայ Հոգեւոր Դասընթացներու խմբակը:

Ընդառաջելով դասընթացներուն մասնակցող փոքրիկներուն փափաքին, Ս. Ծննդեան տօնին առթիւ թատերական փոքրիկ ներկայացում մը կազմակերպուեցաւ: Երեք ամսուայ աշխատանքը վերջապէս իր պտուղը տուաւ:

Երեքշաբթի, Յունուար 25-ին Պլըքտանեան Հանդիսարանին մէջ, հովանաւորութեամբ՝ Հայր Աշոտ վարդապետ Մնացականեանի փոքրիկներուն ներկայացումը տեղի ունեցաւ:

Տիկին Գոհար Ղազէլեանի հեղինակած եւ խմբավարած երգախառն ներկայացումը, «Մանուկի Երազ»ը արդէն երազ մը դարձած էր ամէնուն համար: Բոլորն ալ կ'աշխատէին զայն իրականութիւն դարձնելու համար:

Բեմը իր գեղեցիկ յարդարանքով կը փայլէր, ներկայացման յատուկ զգեստներով կանգնած էին մասնակիցները:

Ներկայացումէն առաջ շնորհակալութեան խօսք ուղղուեցաւ բոլոր անոնց որոնք կիրակնօրեայ դասընթացներուն կ'աջակցին, մասնաւորապէս՝ Հայր Աշոտ վրդ. Մնացականեանի, Ազգային Իշխանութեան, Հայր Գաբրիէլ աբեղայ Սարգիսեանի, Հայր Տաճատ աբեղայ Ծատուրեանի, Տ. Չենոն քիւյ. Բարսեղեանի, տիկին Ալիս Ճիգմեճեանի, դաշնակարուի տիկին Իրինա Աբգարեանի եւ բոլոր այն ծնողներուն որոնք իրենց ժամանակը կը տրամադրեն իրենց մանուկները բերելու կիրակնօրեայ դասընթացներուն:

Շնորհակալական խօսքէն ետք, ամփոփ տեղեկութիւններ տրուեցան Ամանորի եւ Կաղանդ Պապայի մասին:

Ներկայ ժողովուրդին կողմէ մեծապէս գնահատուած այս ներկայացումով, փոքրիկները Ս. Ծնունդի իմաստն էր որ փոխանցեցին ներկաներուն, ըսելով թէ Ս. Ծնունդին իմաստը Յիսուսի յայտնութիւնն է, ոչ թէ ծառը, Կաղանդ Պապան եւ խաղալիքները:

Հանդիսութեան աւարտին, Հոգեշնորհ Հայր Աշոտ վրդ. Մնացականեան խօսք առնելով, շնորհակալութիւն յայտնեց կազմակերպիչներուն, ծնողներուն եւ փոքրիկներուն, որոնք հնազանդօրէն ներկայ կ'ըլլային փորձերուն:

Ապա պահպանիչով փակուեցաւ ներկայացումը եւ ներկաները հիւրասիրուեցան քաղցրաւենիներով եւ աղեղէններով:



ԼՈՒՐԵՐ ՎՐԸՄ-Ի ԶԱՆԱԶԱՆ ՄԱՍՆԱՃԻԴԵՐԵՆ

ՓԱՐԻԶ

ՅԲԸՄիությունը 2004-ին լոյս ընծայեց ֆրանսերեն լեզուով նոր պարբերական մը La Revue Armenienne des Questions Contemporaines խմբագրությամբ Փարիզի Նուպարեան Մատենադարանի տնօրեն, տոքթ. Ռէյմոն Գեորգեանի:

Թարգմանաբար կը հրատարակենք Փարիզի մէջ հրատարակուող Nouvelles d'Armenie ամսաթերթի Նոյեմբերի թիւին մէջ այս առթիւ լոյս տեսած գրութիւնը:

«S.»

«La Revue Armenienne des Questions Contemporaines»-ը ոչ այժմեականութիւններու պարբերութիւն մըն է եւ ոչ ալ այլ գիտական հանդէս մըն է: Ան եկած է հայ պարբերական մամուլին մէկ բացը լեցնելու:

Ան միաժամանակ դիւրամատչելի՝ եւ պահուն լաւագոյն ծանօթութիւններուն վրայ հիմնուած հանդէս մըն է, որ իր ընթերցողներուն առջեւ կը բանայ Սփիւռքի եւ Հայաստանի առնչուած մեծ թղթածրարներ:

Ներկայ ժամանակներուն հայաշխարհը, ինչպէս ալ աշխարհներ, ունի դիմագրաւուելիք մարտահրաւերներ:

Հայկական բաղկացուցիչներէն իւրաքանչիւրը, Հայաստանը եւ Սփիւռքը, ունին իրենց իւրայատուկ ներքին հարցերը զորս հարկ է յաղթահարել: Սակայն, անոնք ունին նաեւ հասարակաց հարցեր որոնք լուծումի կը կարօտին:

Ոչ մէկ կասկած կայ այն իրողութեան մասին, թէ երկու կառոյցները հարկ է, որ օգտուին մէկը միւսէն եւ փոխադարձաբար իրարու օգնեն պատասխաններ գտնելու ներկայ ժամանակներու մարտահրաւերներուն: Հանդէսը չունի ալ ձգտում քան զարգացնել հաւաքական անդարարած մը ընկերու:

Թեան թղթածրարներուն մասին, կոչ ընելով, բնագաւառի մը մէջ իրենց արհեստավարժութեամբ ճանչցուած անձերու բերելու իրենց սատարը, ի մասնաւորի երիտասարդ համալսարանականները ներգրաւելով այդ զարգացումին մէջ:

Անկախաբար ժամանակակից հարցերը պարփակող թղթածրարներէն, հանդէսին Յիշողութիւն / Պատմութիւն բաժինը, նկատի ունի կազմել հաշուեկըշիւ մը, հայոց ժամանակակից պատմութեան վերաբերեալ տարուող նորագոյն աշխատանքներուն մասին:

Ասոնց վրայ կ'աւելնան վերջապէս ընթերցանութեան նօթերը եւ գործնական տեղեկութիւններ, մշակութային այն մեծ իրադարձութիւններուն մասին, որոնք մեզի կը զբաղեցնեն:

ՅԲԸՄ-ը այս հանդէսը հրատարակելով նկատի ունի զարգացնել իր յատուկ մտածելակերպը հայկական կազմակերպութիւններու դերին մասին ընդդէմ արդի ժամանակներու մարտահրաւերներուն, որպէսզի մշտապէս իր գործունեութիւնը վերապատշաճեցումի ենթակարկէ հայրենիքի թէ սփիւռքի մէջ:

Թրգմ.

Ն. Տընկճեան

ՍԻՏՆԷՅ

Վերջերս ՅԲԸՄիութիւնը Աւստրալիոյ մէջ երկու նոր հրատարակութիւններ հովանաւորած է: Անոնցմէ առաջինը «Նիու Սաուր Ռէյլզի Հայոց Ալմանախ» 200 էջոց տեղեկատու հատորն է, որ Աւստրալիոյ հայկական համայնքին ստեղծման եւ ընդհանրապէս հայ համայնքին մասին գրուած առաջին անգլերէն փորձն է: Ան կ'ընդգրկէ զանազան բաժիններ՝ մշակոյթ, երաժշտութիւն, գրականութիւն, ճաշատեսակներ եւ անուանի հայեր բաժինները ու անոնց մասին տեղեկութիւններ կու տայ:

Երկրորդը՝ «Համայնքային երկլեզուեան Ուղեցոյց»ն է, որ ընթերցողին կը ծանօթացնէ Աւս-

տրալիոյ մէջ գործող կառավարութեան հասարակական գրասենեակներուն մատուցած ծառայութիւններուն եւ տեղեկութիւններ կը հայթայթէ առողջապահութեան, ներգաղթի, ընկերային նպատակներու, թոշակի եւ այլ բազմաթիւ բնագաւառներու վերաբերեալ:

ՅԲԸՄ-ի Սիտնէյի Մասնաճիւղի Համայնքային Յարաբերութիւններու Յանձնախումբ»ը, որ կառավարութեան կողմէ ճանչցուած եւ յարգուած մարմին մըն է, այս գրքոյկը անվճար կը տրամադրէ հայ համայնքի բոլոր անդամներուն:



ԻՐԱՔ

Ի վերջոյ, երկար տարիներու մեր բաղձանքները եւ երազները կատարուեցան եւ իրականացան: Տարիներէ ի վեր է որ մենք բոլորս, պատասխանատուներ եւ անդամներ, աշխատանք կը տանէինք եւ կը փափաքէինք որ մեր անդամներուն համար առիթ ստեղծուի որպէսզի անոնք կարողանան երկրէն դուրս ճամբորդել եւ մասնակցիլ այլ երկիրներու մէջ տեղի ունեցած զիրենք հետաքրքրող հաւաքներուն, ըլլան անոնք մարզական, սկաուտական, մշակութային կամ որեւէ նման բնոյթի ձեռնարկներուն:

Շատ մը դժուարութիւններ կային, սակայն յուսախաբութիւն, երբեք:

Ամէն տեսակի աշխատանքները շարունակուեցան եւ վերջապէս տարուած բոլոր ջանքերը արդիւնք ունեցան:

Ընդառաջելով Լիբանանի ԶԲԸՄ – ԶԵԸ – Անդրա-սիկ Անթիլիասի հրաւերին, Սկաուտական Յանձնախումբը 35 անդամներով Պէյրութ – Լիբանան այցելեց, ուր իր մասնակցութիւնը բերաւ Անդրասիկ – Անթիլիասի տարեկան սկաուտական բանակումին, 30.7.2004 – 6.8.2004: Նման հրաւերով մը, տողոց կողմագնդակի խումբը 31 մարզիկներով եւ պատասխանատուներով, 20–27.9.2004, Պէյրութ այցելեց, եւ հոն եղբայրական մրցումներ ունեցաւ տեղւոյն ԶԵԸ-ի զանազան խումբերուն հետ:

16–21.9.2004–ին Սկաուտական Յանձնախումբը 24 անդամներով այցելեց նաեւ Յորդանան, Ամմանի Ազգային Մարզական Միութեան հրաւերով, ուր իր մասնակցութիւնը բերաւ ԱՄՄ-ի սկաուտական բա-

նակումին եւ 21 Սեպտեմբերին Զայաստանի Զանրապետութեան անկախութեան տարեդարձին նուիրուած հանդէսին:

Այս բոլորին հետ միատեղ, աղջիկներու բարձրագնդակի խումբը 9.2004–ին Իրաքի Զիւսիւսային շրջանի Սուլէյմանիա քաղաքը այցելեց տեղւոյն Պէշմըրկա ակումբին հրաւերով, ուր բարեկամական մրցումներ ունեցաւ ակումբի աղջկանց խումբին հետ:

Լիբանանի եւ Յորդանանի մէջ մեր երկսեռ երիտասարդները հանդիպումներ եւ շփումներ ունեցան իրենց եղբայրներուն եւ քոյրերուն հետ, որոնք բոլորն ալ նոյն հովանիին տակ եւ բարեգործականի շունչով կը մեծնան եւ կը պատրաստուին մեր ազգին ծառայելու:

Հոս կարելոր է յիշել, թէ այս բոլորը մեծ ծախսերու նայեցան, թէ՛ մեզ հիւրընկալող եղբայրներուն եւ թէ՛ մեզի համար: Ուրախ ենք որ մեր զաւակներն ալ ջանք չխնայեցին բոլոր հանդիպումներուն յաջող ընթացք տալու համար:

Պէտք է շարունակել այս գործը:

Գալիքները աւելի շատ են քան անցնողները:

Կը մնայ մաղթել որ Միութեան բարերարները, անդամները եւ համակիրները սրտաբուխ նուիրատուութիւններով իրենց բաժինը ունենան այս հսկայ գործին մէջ այնպէս ինչպէս որ միշտ ըրած են:

Հ. Աղպաշեան
Ի ԶԲԸՄ – ԶԵԸ – ՕՐԱՆ

ԼՈՒԻՐԵՐ ՇԱՅԱՍՏԱՆԵՆ

● Զայաստանի պետութիւնը 2005 թուականին մշակութային եւ պատմական կոթողներուն պահպանութեան համար 100 միլիոն դրամ կը յատկացնէ:

Մշակոյթի եւ երիտասարդութեան փոխ նախարար Գագիկ Կիրճեանի համաձայն, յիշեալ գումարը պէտք է գործածուի վերանորոգելու չորս կոթողներ, որոնց կարգին՝ Ամբերդի ամրոցը եւ Արուծի տաճարը: Կը սպասուի որ «Կոթողներու Զամաշխարհային Ֆոնտ»ը «World Monument Fund»ը եւս իր օգնութիւնը տրամադրէ:

Երեսուն նմանօրինակ յուշարձաններ եւս կը սպասեն վերանորոգութեան:

● Սփիւռքէն 70 երիտասարդներ անվճար կ'ուսանին Զայաստանի մէջ: ՀՀ Կրթական Նախարարին համաձայն 1977-էն ի վեր ուսանողներուն թիւը կրկնապատկուած է: Անոնք կու գան մասնաւորաբար Վրաստանէն, Իրանէն, Ռուսիայէն, Թիւրքմէնիստանէն, Սուրիայէն, ԱՄՆահանգներէն, Գանատայէն, Լիբանանէն եւ Յորդանանէն եւ ընդհանուր առմամբ լեզուագիտութեան եւ պատմութեան ճիւղերուն կը հետեւին:

● 2005 թուականին Երեւանի հիւանդանոցներուն

եւ բուժարաններուն պիտի յատկացուի 31.7 միլիառ դրամ, փոխան անցեալ տարուայ 24.9 միլիառին: Երեւանի քաղաքապետարանի մէկ անդամը, առողջապահութեան վերաբերեալ հարցերը կը քննէ, կը հաստատէ թէ 2005–ին յատկացուած պիտոճէին 12.5 միլիառը պիտի տրամադրուի առաջնակարգ կարելորութիւն ունեցող հաստատութիւններու, ինչպէս ծննդատուններուն, մանկական բժշկութեան, թոքատապի, շաքարախտի եւ սրտի հիւանդութիւններուն դէմ մղուող պայքարին: Անցեալ տարի նոյն նպատակին համար յատկացուած էր 7.8 միլիառ դրամ միայն:

● Զամաձայն Արցախի վարչապետ Անուշահան Դանիելեանի 2000 թուականէն ի վեր 5300 ընտանիքներ հաստատուած են Լեռնային Ղարաբաղի մէջ: Վարչապետը կը հաստատէ թէ Արցախի վերաբնակեցումը Ստեփանակերտի առաջնակարգ հարցերէն մէկն է թէ զինուորական գետնի վրայ եւ թէ շրջանին հարստութիւնները օգտագործելու տեսանկիւնէն:

Այժմ Լեռնային Ղարաբաղի Զանրապետութիւնը ունի մօտ 150.000 բնակիչ:



ԱՆԴԱՄԱԿԱՆ

ԾՆՈՒՆԴ

21 Յունուար 2005-ին լոյս աշխարհ եկաւ Անճեյիման, երկրորդ դուստրը ՀԲԸՄ-ի Ե իսկոսի Շրջանակային Յանձնաժողովին, նոյն Միութեան Գահիրէի Մասնաճիւղի վարչութեան ինչպէս նաեւ Հելիոպոլսոյ ՀՄԸՄՆՈՒՊԱՐի վարչութեան անդամ, տոքթ. Ճորճ Սիմոնեանի եւ տիկին Նայիրիի:

Ձերմօրէն կը ջնորհաւորենք Նորածինին ծնողքը, մեծ ծնողները տիկին Տիգրանուհի Սիմոնեանը, տէր եւ տիկին Նուպար Սիմոնեանները, տիկին Տորեթ Խորասանճեանն ու բոլոր հարազատները եւ Նորածինին կը մաղթենք առողջ ու ուրախ կեանք:

ՄԱՀԱԳՐՈՒԹԻՒՆ

Սրտի անհուն կսկիծով կ'արձանա րենք մահը ՀԲԸՄ-ի Աղեքսանդրիոյ Մասնաճիւղի անդամ, Աղեքսանդրիոյ Թեմական Ժողովի փոխ ատենապետ ողբ. Մանուկ Գալփաքճեանի, որ տեղի ունեցաւ Հին շաբթի 25 Նոյեմբերին:

Մեր խորին վշտակցութիւնները հանգուցեալին այրիին՝ տիկին Անի Գալփաքճեանին, քողջ՝ տիկին Սոնա Մանուկեանին եւ բոլոր հարազատներուն:

